

精鈔
大字

隨

園

全

集

欽定四庫全書

欽定四庫全書

綠秋草堂
詞選

上海文明
書局藏版

綠秋草堂詞

梁溪顧翰簡塘

蝶戀花

小苑天桃春色靜。一角迴欄，紅飈東風影。月輕陰晴未定。鴉鬢悄說清明近。
記得花前人共凭。曲廡斜廊，轉眼成銷凝。只有烟痕吹未盡。絲絲綠上吳娘鬢。

滿庭芳

竹鑪山房題壁

竹雨飛青。桐陰拭翠。繞亭一碧。惜惜斜門半掩。小徑石苔深。步履迴廊微響。驚起了滿院春禽。幽砌畔。未晞香露。吹影上疏襟。
曲房岑寂處。且閒凭髻。几低撫清琴。正微涼破夢。午睡初醒。怪底簾波都綠。延綠處。暈上烟痕。試聽取雲泉蟹眼。石鼎沸秋聲。

喝火令

廣陵懷古

綠水閒歌苑。青山舊酒旗。秋風板渚柳依依。人去。紅橋夢斷。玉驄嘶。香冢埋金盞。春墳葬玉衣。
六朝遺恨是耶非。一片錦帆何處。問隋隄。一片曉陵烟月。歷亂早鶯飛。
摸魚兒

徐州道中

聽荒雞膠膠角角。征鞍早又催發。絲鞭耳帽衝寒去。短鬢霜華。吹濕危橋側。正飲馬溪流。流水聲
鳴咽。關山如墨。乍一派哀笳。數聲殘角。吹落戍樓月。侵肌骨更怯。寒威凜冽。折縣風勁如割。
劇憐古堠梅花少。衰柳不堪重折。歸路隔。縱欲寄。江南烟樹千重黑。離愁似織。任碎鐸即當。短轅
搖兀。載夢度烟驛。

醉江月

答湖舟中

波平岸迴。看秋漪綠。玉鱗鱗吹起。好向水香多處住。柔艣一枝搖曳。柳拂斜絲。蘋浮嫩葉。綠冒吳
船尾。輕帆分暝。疑從鏡裏飛逸。晚風吹上涼潮。三篙新漲。小雨生沙觜。惹起聞鷗。明似玉點破。
半湖烟水。一角疏林。幾圍矮屋。指點魚蝦市。簷簷挂處。夕陽尚映芳芷。

蝶戀花

春風欲去元生有懷

帶酒韶時添別緒。不為春歸。底用留春住。夢遍天涯無覓處。小屏畫出江南樹。
簾外春陰猶
閣雨。花乳含嬌。鸚鵡枝頭語。銷盡水沈香一縷。綠窗自譜消魂句。

清平樂

夜投往平旅舍

危亭古驛。畫出荆關筆。颯颯西風愁更急。吹冷一鞭秋色。荒原匹馬頻嘶。客中況味誰知。惆悵夕陽官道。題詩都上叢祠。

又

僕夫寒語。撒面沙如雨。前路呼俵風尚怒。吹折却頭老樹。望中黑月荆榛。此間久斷人行。鞍馬欲投何處。亂山堆裏孤城。

謁金門

銅扉闔。一院人聲寥閤。照睡燈昏愁更剔。細風敲落葉。望斷江南消息。髣髴故人顏色。一桁晶簾疑不隔。夢涼花影白。

采桑子

題李紉蘭女史葬花圖

綠陰庭院廉纖雨。飛度筠簾。印破苔錢。花瘦如人春可憐。下階自把金鴉嘴。和淚和烟。賸粉零鈿。一撮香塵豈是墓田。

買陂塘

偕華惇園楊伯夔泛舟蓉湖

湖斜川涼潮一尺絲痕平到菱檻。鰲枝搖入菰蒲。雨衣上冷痕輕蘸。浮歛澗。看桺尾拖藍水影明。
於灩瑤璃一片。正烟老頻花。風欹藕葉。雙燕任拋剪。平湖畔。到處低垂柳線。銀沙如許清淺。綠濛濛。
濛地人家住。微露水印江店。過港面。記蟹斷魚標。好景圖中見。吳天雲斂。乍遠樹青疎。夕陽紅澹。
三雨認蓬點。

念奴嬌

再過蓉湖感舊

烏蓬當日。記閒盟鷗侶。曾聞幽浦。抱郭疏香事。透水隔斷南湖烟瘦。翠帔相扶。紅衣欲蛻。單舸尋
秋路。仙源重到。漁郎空省前度。那便夢隔雲波。蕭疎水驛。零落今如許。不信繁華容易散。只有
寒潮今古。髡柳橋荒。枯荷苑廢。野鴨西風語。何年此地。一蓑來卧。烟雨。

望湘人

秋宵有憶

愛梧陰新蟾。睜目只覩人。一點窺破幽暝。雲母窗深。水明簾薄。送過滿庭花影。畫菊單衣。星前
小竚。一襟秋冷。倩雛鬟重炷。名香銅鴨。更添銀餅。而今怕倚闌干。有碎蟲零杆。無限秋景。露脚
如烟。吹綠霜燈涼暈。又後鵝笙移。將雁柱。香淚琴絲都潤。問幾時幽夢重圓。好把相思同證。

臺城路

帆影

晴倚十里明如鏡。一痕輕度雲影。晚色模糊。波光澹澹。畫出湖天離恨。危橋路近。看葦隱青疎。夢迷紅冷。水國寒深。飛來葉葉隨幽暝。芙蓉湖上。荳屋浮家。何日遂終老。演隱。桺尾拖烟。桺梢倚月。伴我蓬窗孤凭。江天風靜。正沙渚陰陰。昏鴉斜趁。暗拂涼莎。不教鷗夢醒。

金縷曲

寫懷贈楊太伯夔時偕北上

世事堪悲說。數年來。唐衢善哭。欄衡工罵。太息知交真不易。高誼如君尤寡。看瘦骨愁來堪把。秋雨秋風江上路。莽天涯。何處驅征馬。男兒淚。任飄灑。最憐性癖耽風雅。記曾經。牢騷命酒。疎狂結社。我縱先鞭輸祖述。也共聞雞中夜。要痛飲黃金臺下。一片斜陽衰草裏。和荆卿擊筑悲歌者。唾壺擊看成鏃。

滿庭芳

竹檻愁烟。蘭橈染露。小紅亭子依然。牆陰一樹。不見粉嬋娟。記得芳時中酒。向花陰。分得春寒。舊騰裏。嬌雲顫顫。香影貼衣圓。春風潘鬢改。向華嚴劫後。重問情禪。看綠憎憎地。悟到前緣。彈指韶華有幾。好春暉。都付啼鴉。銷凝處。玉壺幽淚。吹上曲闌干。

湘月

扁豆

碧雲數畝寫一棚。碎月篩滿芳野。揜映松門。茆舍裏。隔斷人間塵土。翠英低垂。青絲漸引。綠葉初肥。雨鄉園風味嫩湯。何處新煮。更念竹屋延涼。團圓雅坐。有却間兒女。笑語尊前。還競說今歲田園。桑田影曼。垣花花窺。籬角絡緯。吟風露殘。秋未到。好教留護幽圃。

水調歌頭

丁湛之招飲卽席賦贈

置酒北堂上。璀璨燭花明。良朋能幾會。觴到莫辭傾。我輩淺斟低唱。底用殘杯冷炙。挾瑟事侯門。慷慨感疇昔。拉雜話生平。身世事。多少恨。總休論。讀書擊劍。終歲碌碌詎無成。君學儒風鄒魯。而我縱橫佚宕。豪氣重幽并。十載竟何補。多事得狂名。

解連環

憶舊遊寄伯夔

涼花露蒂。早一奩秋意。西風驚碎。記舊時同訪迴塘。正演養菱絲。綠牽沙尾。短篷烏篷。曾吟破滿湖空翠。猶似曾識我。拍拍輕鷗。遠渚飛至。漁郎有許。風味那浮家舊巷。莫便輕棄。問幾時重返江鄉。載詩卷魚筒。扁舟烟水。彈指湖山。能消得幾番吟醉。且須看荒干柳色。者般瘦矣。

八歸

銀河黯淡銅臺淒緊。秋杵隔院初動。垂珠蛤帳餘寒在。早又翠釵鴛冷。綠綺香凍。古篆如雲飛不得。
墮綠染江南幽夢。最巨耐。窗外輕飈涼意逗紗縫。最是魂消怨別。當年曲院宛轉。尊前相送迴。
闌閒凭。重尋陳跡。補玉階苔空。正銀牆月落。乳鵲瓊枝早驚呼。凝望處。晶簾斜卷。簌簌冰花墜烟。
霜片重。

蘇幕遮

綠窗眠。珠閣繡。燕子無聊。故把輕陰咬。憔悴似憐春去驟。誰道腰支。不為春消瘦。並香肩。攜素手。記得當年。曾勸檀郎酒。風信一番花落後。夜雨苔階。應長雙紅豆。

金縷曲

秋夜讀飲水詞感賦

殘夜幽窗同。弄迷離清輝一片。旋添淒哽。長觸中宵成轉側。欲睡分明還醒。只一種閒愁誰省。起讀成生腸斷句。顫西風。紅瘦缸花影。香穗落。涼生暈。情深祇自成銷凝。論文人生來慧業。才原妨命。門第清華公尚歎。奈我茂陵愁病。正落葉亂梢。銀井鶴骨。虛堂無夢寐。怕梧桐。小雨先秋冷。研淚墨。賦幽恨。

東風第一枝

白門弔古

白塢微雲紅樓秋樹林陵烟景初晚夕陽古道傷心荒草更粘天遠頽垣廢址有多少舊時亭館
弔興亡無處題詩愁句錦囊空滿西風冷吟蟬嘶斷寒烟凍昏鴉雲亂花飛將妹祠邊水抱
暮愁却畔將欵柳堰問何處六朝宮院好湖山無限風流惟剩酒帘斜貼

南柯子

紀惠麓之遊

綠樹懸新畫幽泉鳴古絃扶筇徙倚晚風前正值暮蟬嘶斷已涼天雲去全峯現巖遮半月街
玲瓏竹影亂秋烟待掃青溪白石好高眠

渡江雲

燕子磯

蒼茫江月墮推篷看危石聳孤屏渾疑江燕立下瞰風濤得勢欲飛鳴崖根插水巉削處靜影亭
亭晴翠濕飛來烟外如雨滴吳舫淒清微波澎憂四舫無言料舟人未醒攜鐵笛波濤深處且
學龍吟空江多少精靈睡只漁歌唱出前汀吹嫋嫋餘音遠破空明

虞美人

分明譜出雙鴛枕底事還成識悔將寶帳杏紅紗不繡連枝繡了折花枝幾回欲睡偏擔擱曉
日明珠箔本無香夢到遼西不為鶯兒窗外盡情啼

水龍吟

林園凍日初晴。檐牙照影明殘雪。添絲時候。風光做冷。試香佳節。竹院遲燈。松寮炙硯。梅樓擡笛。正庭生虛白。冰壺明底。歌未罷。玉龍泣。雀啁噓。香初坼。漸幽芳飛來几席。簾前疎影。窗前瘦骨。鑄成寒鐵。好煖涼醺。重烹茗。茗。圍爐滑枕。待宵來。紅襲殷勤。卷上一簾香月。

念奴嬌

答伯夔寄懷之作卽和原韻

當年湖上。記烟篷占斷。一天涼月。擢入冰壺空闊處。客我狂吟散髮。鴈脫撈蝦。欄開射鴨。無事空淒切。未顏易變。盛游都恐銷歇。此時重訪荒干。如斯風景。那得塵襟豁。竟夕危磯吹素浪。冷了。一渦涼雪。魚含雲荒。鷗羣星散。苦秋秋風折。漁歌遙唱。數聲嬌嬌將絕。

減字木蘭花

春光有幾。一半春過春病裏。睡起無聊。乍許憑闌酒力銷。落紅幽院。那得愁人腸不斷。有限韶華。纔見梅花又棟花。

虞美人

鏡塘三月明如玉。春水晴猶綠。夕陽江閣嫩涼添。兩岸人家。齊上水明簾。望歌一隊歸來早。白袷俱年少。楊花飛作滿湖烟。斜趁東風。亂撲酒人船。

望海潮

自題烟雨浮槎圖

空濛山氣。蕭疎波影。重陰淡沲魚天。柳夢如塵。蘆花似雪。雨絲灑破涼烟。遠岸任酒沾。看紅衣打槳。翠笠划船。客我浮家。不成樊口便斜川。何須結束翩翩。羨錦袍采石。標格如仙。射鴨秋江。叉魚春渚。短篷正好閒眠。待結水雲緣。攜釣綸茶具。酒榼詩篇。范蠡湖頭。扣舷濯足看淪漣。

望湘人

游浙別女兄蔭香及蘭厓竹畦兩弟

正湖天做暝。空濶暮陰冷。雲尚滯明霄。雨槩搖烟。雙禽點水。風縐玉漪千里。黃笛吹殘。青袍遊倦。如斯情味。看荒阡。百草如雲。空令遠愁無際。聚首時有幾。便風塵草草。黯銷魂矣。萍梗飄零。骨肉不教相倚。廨屋台荒。湖田石瘦。那得便籌歸計。願釣取小鯉。啣書遠溯浙江潮尾。

高陽臺

別楊太春樵

蕭索行囊。淒涼短劍。東風吹上寒舡。小飲離筵。春潮綠到津亭。故人攜手河梁。別說歸期。軟語丁寧。指家山一角。孤棹翠樹冥冥。而今圓合烟湖夢。便蘭成身世。不覺飄零。怕到蘆鄉。迷離却也愁醒。錢塘好去尋蘇小。覆銀沙。柳綠搓青。聽船娘款款。乃烟歌唱入西泠。

國香慢

蘇隄晚歸

青鏡潭潭。問幽汀水色。誰染秋藍。幾行柳隄疎影。綠上春衫。細馬攏鞭暗度。聽前頭搖響金環。却尋舊遊處。回指湖梢。一綰烟鬟。清遊能有幾。只哦詩。草草忍便輕還。催人涼暝。夕照淡。到沙灣。多少茶亭酒幔。颺疎風。早出松關。漫憑古城堞。已見東山。小月彎環。

扁舟尋舊約

冷泉亭

石色烟鋪。雲根雨洗。孤飛一朵遙空。圓瓢貯酒。短筇搜句。小亭最稱幽尋。嵌巖生短樹。向檐背撐。成夕陰。倚筇分翠。凭闌挂。爽裙屐。共登臨。最愛看。人行圖畫裏。有小童抱鶴。幽侶支琴。泠泠幽韻。飛泉倒落。冰簾濺上詩襟。晚松飄響翠。又驚覺。林梢紫禽。流連愛景。空山向晚還苦吟。

念奴嬌

載詩秋艇。且重來問訊。舊時鷗鷺風景。依然前度。別零落紅衣無數。水竹敲涼疎花倚暝。權入西冷雨。湖雲送晚。一時怎忍歸去。堪念白石詞仙。垂虹橋畔。商略吟秋句。記共青樽年少輩。三十六陂同賦。打鴨人歸。采菱歌散。蕭瑟驚鶯語。汀洲多少。不如此景清苦。

月華清

夜泛西湖

淺渚沙明。平橋波潤。短橈何處輕舣。涼月鄰鄰。吹縐一奩烟水。倩吳娘、蕩入明漪。人並坐、玉壺心裏。閒倚看、霜鷗兩雨。夢安潮尾。無限生涯。憔悴待寫。向湖天別饒秋思。蘆葉搖涼。飛上一襟吟翠。喚林逋、雪夜詩魂。倦鶴與秋同載。無寐聽、賓洲墜譜。笛聲吹碎。

瑞鶴仙

舟中望南屏諸山

雨餘龍尾。修眉影、雲根乍撐孤峭。浮藍樹小。搖青竹短。疎烟籠罩。蓬窗孤眺。問可有、俗塵吹到。正危峯、梳翎小鶴。雲羽墮烟杪。引我烟霞想。如此湖山。幽棲真好。僧歸甚處。裏紅衣踏來殘照。畫出秋聲。儼一燈、荆關幽稿。又吟蟬、墮響似聲。當遠嘯。

徵招

客中秋感

纔吟宋玉悲秋賦。幽懷更傷羈旅。別道情銷魂。怪淒涼如許。倚窗誰共語。蛩聲斷、乍停疎羽。竹影敲窗。桐風破夢。冷光搖戶。莫更倚危欄。關心處、最憶天涯伴侶。日暮客衣單。悵西風砧杵。聞愁憑寄與。問何處、斷腸南浦。只涼夜、山鬼窺人。飄半庭靈雨。

角招

寄竹畦弟

聽蕭蕭雨絲。逼青燈。皎短如粟。篋書今倦讀。病骨擎寒。襟被孤宿。宵夢覺。早夢到山堂。猿鶴為
道黃塵樓託。可如叢桂相招。唱小山遺曲。銜索枯魚同哭。相逢眼白。情緒成寥落。客游都已
熟。算不如歸更修初服。湖舂溪角。看未改舊時茆屋。添種枯杉。瘦竹。喚橫笛。坐烟林。吹秋綠。

憶舊遊

過蘆區

趁雲荒淺瀨。雲換涼漪。來賃江船。自挂孤篷去。聽浪花涼聚。打槳聲圓。一路蘆花蕭瑟。搖夢入
江天。問幾縷魚雲。幾絲鷗雨。吹到愁邊。江關舊詞賦。悵青眼誰開。辜負華年。莫話淒涼意。似病
蟬無力。猶唱離筵。贏得鬢邊秋綠。歸染六橋烟。只伴我銷魂。後湖衰柳疎可憐。

百字令

為楊二子山題雪艷圖

素春亭閣。記斜柯罨畫。夜雲吹白。曾共闌干。偎絳袖一寸。苔枝同折。明月前身。春風舊恨。含住
梅花國。捲簾人獨。滿襟都灑涼雪。無言小伫迴廊。半鬟香霧。樹底亭亭立。遮莫人間風露冷。
幽院玉清淪謫。瘦影搖鐙。澹香浮夢。休更吹橫笛。恐教驚起一雙翠羽。清絕。

子夜歌